

gleich vor dem Statthor vnd an dergleichen offentlichen Landstrassen  
 daligenden Gottes Acker / dem Burgerlichen gemeinen wesen gar bes  
 schwerlich fallen / sonderlichen zu der zeit / wann die böse Seuch regirt /  
 etwan vil Menschen gleich also vor Augen zubegraben / grossen schro  
 cken erweckhen kan / neben deme / vnd von wegen der vergifften Dünst /  
 durch die von der Erden auffsteigende feuchtigkeit der nebel / etwan die  
 Seuch in die Statt herein gewallet / die Menschen hierdurch ange  
 stecht / vnd zum erkrankhen verarsacht werden. Derowegen es wol  
 zubedencken ist / wohin dann solches Gebäw / nun zusetzen seye. Zum  
 dritten / so ist auch nöthig / den Naualem anzuhören / hierober etwan  
 sein langjährige Experiencz zuvernemen / wie es dann mit denen na  
 hend hierbeylauffenden fließenden Wasser bewandt seye / wie hoch sie  
 steigen / vnd am allerhöchsten seyen verspürt worden / ob sie bey starkem  
 Regenwetter vnd verschmelzung des schnees / in die Gräber lauffen /  
 dieselbige vberschwemmen / anbleckhen / oder sonst verhinckerlichen  
 sein möchten. Welches alles dann wol zuvor zubetrachten ist. Es will  
 demnach fast am rathsamsten sein / den vilernanten / Gottes Acker /  
 vngesährlich auff die .1000. schritt weit / in das glatte freye Feld hin  
 auß / vnd an ein solchen Ort außzusteckhen / der nicht morastig / sum  
 pfig / Rißig / noch röhrig / sonder von guter geschlechter wol zugra  
 bender Erden / erfunden werde / damit hernach derselbige Boden ohne  
 sonderbare mühe / noch zeit verlierung zugraben / beneben von scharpf  
 fer Materi also genatüret vnd beschaffen seye / daß des Menschen Leib  
 bald darinnen verwesen möge. Wie dann zuvor die Prob kan gemacht  
 werden. Sintemahlen vnd als mir bewust ist / daß manichmahl der  
 Menschen Körper in einem hierzu tauglichen Erdboden inner .4. Jahr  
 ren verwesen / in einer andern auch nit ferne daruon entlegenen Erden  
 aber .7. vnd mehr Jahr zuuerwesen / es die zeit erforderte.

Ist derowegen / massen hievornen vernommen / fast am aller  
 rathsamsten / auff hieoben erwähnte .1000. Schritt weit für die  
 Statt hinaus in das glatte freye Feld / jedoch abseits der Land  
 strassen ( des Sicus halber / in aller gestalt / wie in meiner / seiter  
 Anno .1635. In den truckh gegebenen Architecura vniuersali,  
 daselbstem